



Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

8. Actus concupiscibiles quomodo determinantur.

[urn:nbn:de:hbz:466:1-50980](#)

nimi multum facit. Contrarium verò huius multum facit ad animi perturbationem. Quis restitite ei, & pacem habuit? Ad ordinationem etiam voluntatis pertinet, ut respectu aliarum virium dominium habeat, & seruituti vitiorum, quæ pessima est, se non subdat. Bernardus. *Iob. 9.*
Lib. 1. de confid. ante medium.
 An non seruus, cui dominatur iniquitas? Et maxime: nisi tu indignius iudices, hominem tibi, quam vitium dominari.

Tertia pars. Actus concupisibilis & irascibilis determinantur.

C A P V T VIII.

Sequitur de ordinatione virtutis concupisibilis & irascibilis. Concupisibilis tendit ad bonum appetitu delectandi. Motus irascibilis est in bonum arduum, vel contra malum, appetitu vincendi. Actus pertinentes ad concupisibilem sunt concupiscere, gaudere, diligere, & actus contrarij istius sunt respuere, dolere, vel tristari & odire. Concupiscere est appetere sibi bonum, quod nondum habetur. Appetitus verò iste si sit cum intensione, dicitur desiderium. Gaudere est iocundari de boni adeptione, vel eius fruitione. Diligere est alicui bonum appetere: & est propriè respectu alterius, non respectu sui. Contrarium ei quod est concupiscere, est respuere. Respuit verò aliquis bonum vel fastidiendo vel abominando. Abominatio est cum intensione. Contrariū ei quod est gaudere, est dolere, vel tristari. Dolere est affligi ex separacione boni vel conuenientis; vel coniunctione ma-

L 3 li,

li, sed disconuenientis. Contingit etiam aliquando de malo proximi dolere, quod est misericordiae: vel de eius bono, quod est inuidia. Ei verò quod est diligere, contrarium est odire. Tres primi actus sunt secundum boni placenziam: tres alij secundum displicantiam. Actus irascibilis respectu excellentiæ vel humilitatis sunt quatuor scilicet ambitio, spes, dominatio, contemptus. Ambitio & spes sunt respectu eius quod nondum habetur. Ambitio est appetitus honoris vel excellentiæ. Spes verò appetitus eius cum fiducia obtinendi. Dominatio est appetitus honoris obtenti vel gloriatio de illo. Contemptus est reprobatio subiectionis propriæ. Contemptus etiam est reprobatio rei vel personæ: quia aestimatur vilis à debilitate. Irascibilis sunt quatuor actus contrarij, quatuor prædictis. Primus qui contrariatur ambitioni, est fuga honoris vel excellentiæ, quæ pars spiritus dici potest. Spei contrariatur despectus: quæ est fuga boni ardui propter diffidemtiam obtinendi. Dominationi contrariatur humiliatio, quæ est amor subiectionis fugiens excellentiam. Contemptui contrariatur reverentia: quæ est veneratio rei vel personæ propter eius excellentiam. Actus irascibilis confortantis se contra malum, sunt tres, scilicet, irasci, audere, & insurgere. Contra malum irasci, est vindictam vel punitionem appetere. Audere est de victoria mali præsumere. Ex his sequitur insurgere in destructionem mali, quod est magnanimitatis. Actus irascibilis fugientes malum sunt tres, scilicet pœnitentia: quæ est fuga vel detestatio.

statio præteriti mali: impatientia, quæ est fuga
mali præsentis: & timor qui est fuga mali futuri.
Et hæc de actu concupiscibili, & irascibili.

De ordinatione actuum concupiscibilis.

CAPVT IX.

AD ordinationem concupiscibilis quantum
ad actum concupisciendi pertinet, ut in bo-
nis terrenis non appetat superflua: sed necessa-
riis sit contenta. Item ut post concupiscentias il-
licitas non eat, sed ab eis se auertat. Bona spiri-
tualia, ad quæ appetenda Saluator monet, appe-
tat intense: temporalia quæ Saluator appetere
dissuadet, si appetit, appetat remissè. Ad ordina-
tionem cōcupiscibilis, quantum ad actum gau-
dendi pertinet, ut non gaudeat de malis vel va-
nis: & ut amplius gaudeat de bonis internis quā
externis: & plus de bonis supernis & æternis,
quam de bonis insimis & terrenis. Non debet
gaudere de malis propriis vel alienis. Velut in-
sania est, gaudere de malis propriis. Lætantur *Pro. 2.*
cum male fecerint, & exultat in rebus pessimis.
Iniquum est gaudere de malis proximi, vel illi-
us qui te offendit, quod pertinet ad odiū: vel il-
lius qui respectu tui excellit, quod pertinet ad in-
uidiam. Qui lætatur in ruina alterius, nō erit im-
punitus. Puerile est gaudere de vanis. *Pro. 17.*
Epist. 23. p. 8.
Fundamentū bonæ mentis est nō gaudere de vanis. *rum à pris.*
Fundamentū hoc esse dixi; etiā culmen est. Ad
summa peruenit, qui scit quo gaudeat: qui felici-
tatem in aliena potestate non posuit. Super illud
ad Gal. 5. Fructus spiritus est charitas, gaudium,
&c. dicit Glossa. Elatio animi est de his quæ

L 4

digna